



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04) i člana 3. stav (1) Odluke o jednokratnoj novčanoj pomoći porodicama sa troje i više djece na području Općine Centar („Službene novine Kantona Sarajevo“ broj 15/24 i 23/24), Općinski načelnik objavljuje:

**JAVNI POZIV**  
**za dodjelu novčanih sredstava za jednokratnu novčanu pomoć**  
**porodicama sa troje i više djece na području općine Centar**

**1. PREDMET JAVNOG POZIVA**

Predmet ovog Javnog poziva je dodjela novčanih sredstava za ostvarivanje prava na jednokratnu novčanu pomoć porodicama sa troje i više djece na području općine Centar.

**2. FINANSIJSKA SREDSTVA**

Sredstva za dodjelu jednokratne pomoći u ukupnom iznosu od 150.000,00 KM predviđena su Budžetom Općine Centar Sarajevo za 2024. godinu i raspoređivat će se u skladu sa Odlukom o jednokratnoj novčanoj pomoći porodicama sa troje i više djece na području Općine Centar („Službene novine Kantona Sarajevo“ broj 15/24 i 23/24).

**3. UVJETI ZA OSTVARIVANJE PRAVA NA NOVČANU POMOĆ**

**Uvjeti za ostvarivanje prava na jednokratnu novčanu pomoć za porodice sa troje i više djece sa područja općine Centar su:**

- a) Da u zajedničkom domaćinstvu živi troje ili više djece (bračne, vanbračne, usvojene, pod starateljstvom ili djece iz prethodnog braka supružnika) do 18 godina života, a najkasnije do navršenih 27 godina ukoliko se nalaze na redovnom školovanju, pod uslovom da u toku studija na visokoškolskoj ustanovi nisu izgubili više od jedne godine školovanja;
- b) Da su državljani Bosne i Hercegovine sa prijavljenim prebivalištem na području Općine Centar u trajanju od minimalno godinu dana do dana podnošenja zahtjeva;
- c) Da drugi roditelj, koji nije podnosilac zahtjeva, a ima prijavljeno prebivalište na području druge jedinice lokalne samouprave na području Bosne i Hercegovine, nije ostvario novčanu pomoć u mjestu prebivališta.

**4. POTREBNA DOKUMENTACIJE**

Podnosioci zahtjeva za dodjelu jednokratne novčane pomoći po ovom Javnom pozivu dužni su dostaviti sljedeću dokumentaciju:

- Kućnu listu ( radi utvrđivanja članova zajedničkog domaćinstva u skladu sa članom 2. Odluke)
- Izvod iz matične knjige rođenih za djecu;
- Uvjerenje o kretanju za sve članove porodičnog domaćinstva;
- Dokaz o redovnom školovanju za djecu stariju od 18 godina;
- Dokaz o starateljstvu, usvojenju ili o drugom statusu djeteta (samo u slučaju kada treba dokazati status djeteta)

- Potvrdu da drugi roditelj nije ostvario pravo na novčanu pomoć u mjestu prebivališta (samo u slučaju da drugi roditelj ima prijavljeno prebivalište na području druge općine)
- Bankovnu instrukciju za plaćanje (potvrda o broju tekućeg računa);
- Za studente dokaz da u toku studija nije obnovio godinu školovanja više od jedanput.

## **5. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA**

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren 30 dana od dana njegovog objavljivanja.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Dodatne informacije se mogu dobiti na brojeve telefona:

033/562-353;033/562-449,033/562-448,033/562-446,033/562-450 i 033/562-358.

**NAPOMENA:** Članom 5. Odluke propisana je visina jednokratne novčane pomoć porodicama sa troje i više djece u iznosu od 500,00 KM po djetetu. Nadalje je propisano da ukoliko se nakon provedenog postupka po javnom pozivu utvrdi da raspoloživa budžetska sredstva planirana za ove namjene nisu dovoljna za isplatu iznosa novčane pomoći od 500,00 KM po djetetu, visina jednokratne novčane pomoći po djetetu utvrđivati će se srazmjerno broju djece koja ispunjavaju uvjete iz Odluke.

U skladu sa odredbama Odluke o izvršavanju Budžeta za 2024. godinu („Službene novine Kantona Sarajevo“ broj 11/24 i 18/24) korisnici koji ostvare pravo po ovom Javnom pozivu dužni su dodijeljena budžetska sredstva pravdati na način koji će biti utvrđen u rješenju o ostvarenom pravu na dodjelu jednokratne novčane pomoći.

**Općinski načelnik**

Srđan Mandić